

迦陵詞全集

迎陵詞全集卷二十五

宜興陳維崧其年著

維岳緯雲  
弟 叅閱

宗石子萬

選

男履端

校

姪賜薛

沁園春

題史蓮庵先生燈詠一卷後

字字喧厖烈澤焚林爲較爲罇有火蛾結陣晶瑩閃爍燭  
龍對仗炤耀髣髴漢隧千年秦京三月做白毫光大總持  
薪薪續任盲兒捫籥牧豎敲碑從來禍首庖犧笑匣劍  
何妨燈在帷旣桂輪易蝕底須搗兔桑田善涸焉用燃犀

膏以明煎吾聞其語綿上龍蛇哭子推真休矣向燈王稽  
首埋炤奚疑

同遠公和友人贈答之作

五十之年細數生平人間可哀看白首相知晨星寥落朱  
門先達覆雨喧豗只此貧交陶然永夕蹴鞠彈棋更舉杯  
交驩甚記看花並出踏月偕回 千金散盡還來筭細故  
寧容芥蒂哉兄白雪連箱讀之氣盡紅牙一曲聞者心灰  
亟續曩游競投新闕從此蕭朱忍見猜真嘉話使詞場數  
子笑口齊開

題西溪釣者小像

彼君子兮自序生平西溪釣徒有柴門臨水一群鵝鴨松  
關負郭四壁圖書註易逍遙彈琴廊落屈指知非十載餘

時釣者年六十有九焚香坐俯衣暉傑閣飽瞰晴湖多時興在乘  
桴且一葦蒼茫縱所如看筆床茶竈沿流客與漁莊蟹舍  
夾浦縈紆乍叩閒舫或延新月秋水長天碧似蘆掀髯笑  
知人知夢廬我正觀魚

秦對巖太史餉酒饌至詞以謝之

雨挾泉飛風助杉吟調調刁刁正梅剛破臘檀勺臉靨山  
爭釀雪粉剪翎毛冰坼龍鱗樹窟蛇腹蒼莽空山捲怒濤  
吾衰也恰閑思說餅狂欲餽糟故人相念何勞遣銀鹿  
持箋訊老饕更厨娘斫鱠幾絲薑橘索郎瀉玉滿甕蒲桃  
鷄跖雙持腹腴偏勸浮拍中山也自豪吾醉也向床頭舞  
劍席上歌騷

爲高汝敬尊公季遠題像并贈汝敬

季遠忠憲公季子

彼君子兮朗若玉山爛若朝霞歎三閭香草忠臣有後七  
賢修竹處士無家畫癖書淫酒鎗茶董滿院桐陰一帽斜  
真瀟灑負薪而歌者優孟誰邪賢郎品更稱佳只落日  
祠堂守暮鴉向山頭荷插追隨猿鶴泉邊鍵戶箋釋蟲蝦  
北郭騷貧東方朔餓一片空庭扁豆花軒渠也任韋平父  
子兩代宣麻

留別伯成先生和澹心韻

憶數年間爲汗漫遊輕去其鄉正城樓入夜無邊草白關  
河放溜極目沙黃廣武山雄礪礪路隘何必愁人始斷腸  
風吹盡是三河俠少六郡名王牛衣仍臥王章笑病馬  
依然戀戰場恰何來同調金荃一卷重逢高會紅燭千行  
風刮琵琶霜枯篴簾又惹歸帆帶雨張頻回首是難忘官

酒綠茶香

聽梧軒夜集仍登前韻

烏鵲驚飛繞樹無枝誰爲故鄉歎十年失路愁雲淅白三  
秋伏枕病葉刪黃欲哭不能欲歌不可冷盡吳鉤一寸腸  
繁華夢夢華尚全部岐薛諸王從頭細與平章筭紅燭  
今番第幾場正榼槽滾滾嬌鶯碎語碧空界破歸鴈分行  
此夜筵前明朝河上擊唾壺兼作拍張梧軒好待來春重  
到勞紙添香

病中雲臣餽我藥貲賦此志謝

有嘯於梁其來如風公然叩門是二豎揶揄穴人焦府五  
窮跳盪紆我朝昏鼠鬪庭前蟻喧床下敗壁徒懸犢鼻褌  
黔婁婦空典釵訪卜剪紙招魂無錢藥裹休論至今日

方知扁鵲尊歎殘杯冷炙誰遺野老淒風碎雨孰念王孫  
只有貧交偏承厚誼管鮑分金古道存前期在待稍蘇肺  
氣同問真源

余臥病澄江不能應試主者頗難之竹逸爲經營

良苦乃始得請歸來作此自嘲并以伸謝

羅隱江東老署秀才不幸似之怪自負上流偏接鬼冊  
稱男子却瀝牛醫壯不如人老之將至那更空牆病馬  
歸去耳儘嚇人廊鼠笑我醜雞紛紛路鬼相疑疑小  
常胡怙爲謝主臣不敏怯訥有是明公垂諒病亦非  
顏子屢空伯牛有疾合受先生譴責詞真窮矣幸江城  
遇鮑叔於期

余既沉疴瀕死而遠公亦一病累月乃其病中編

持齋甚堅詞以訊之

瀕死三秋僵臥十旬已而已而數參苓暴貴婦難竊藥  
服若賤如可呼稱黃雀披綿紫螯堆珀更朶先生病後願  
屬餐耳任人呼其鄙我舉其肥相憐同病奚疑只松下  
君偏折露葵但頻稱折頂欣焉命七魚名石首誓不沾匙  
我輩衰羸全憑膾脯待得生天是幾時言非戲請相隨果  
腹莫漫攢眉

遠公臥疾長齋余既與雲臣作詞寬譬乃接來章  
有承歡有歉願養空文印證十年恭慕之語因  
復作此廣之并邀雲臣共作

三復君詞九轉之腸淒如峽猿痛百年菽水半虛瀕  
原松檟難逮鷄豚莫打慈和惟鍾幸第綉佛長齋踞墓門



及友之至

真鳴咽念小人有母綿定奇溫  
美君獨行偏敦只慰藉  
吾徒尙有言記於陵廉士生鵝可食曾參孝子膾炙常殲  
禮記其踰親憂其疾滅性寧同極恩還相勸願終辭  
食亟進熊膳

永菜花

臨目離離隨地漾漾官橋野塘正杏腮低亞添他旖旎都  
神淺拂益爾輕展綉轅纔挑羅裙可擇小摘情親也不妨  
風流甚映粉紅墻底一片鵝黃 曾經舞榭歌場却付與  
空園鎖夕陽縱非花非草也來蝶隔和烟和雨慣引蜂忙  
每到年時此花嬌處觀裡天桃已斷腸沉吟久怕落紅如  
海流入春江

郝元公先生生日同杜于皇蘇崑生黃稚曾家

生署中觀劇詞以紀事

雨地人師十載問奇相依講堂正郝隆長者居官磊落陳  
琳下士閱世清狂昨到梁溪重披絳帳恰遇生申燕喜觴  
華筵上看雕輪徐動玉佩成行園橋觀者如墻有末座  
則知一寸腸歎烏衣誰認王家舊巷青衫難換陸氏荒庄  
畫鼓頻撾銀箏細撥簾外梨花一夜霜東風曉被此情如  
酒膩住歸航

甲寅立夏日同萬紅友吳天石過雲臣齋頭賞牡丹

丹有作

每到春餘便過君家來衝綺筵正棟花風裡金鈴細響湖  
山石畔綉幔低褰綠葉扶紅瓊酥觀紫三種傾城各自妍  
疎狂客更詩催奕聖酒引僧顛

時蘇仲補放  
庵上人在座

沉香不記

何年弄天寶風流事邈然記錦袍學士新聲倚曲淡容號  
國薄醉朝天事去休提愁來須謝眼底明粧盡可憐春歸  
矣仗花間蜂蝶邀取春還

為雪持題像卽次原韻

像作大雪中數  
燕姬爭看夾侍

屈指生平衣葛知寒食梅苦酸倩水綃數尺圖成行樂梨  
園一曲譜出邯鄲富貴何常男兒自有除却昇天作底難  
款尋處怪六花一夜白盡江山長空舞絮漫漫縱橫漢苑  
吳宮夢裡看喚燕支小婦霓裳夜讌迴波別隊毵幘春寒  
滿院紅肌一簾香雪老放英雄此內閒吾狂甚嚮書中笑  
乞最後雙鬢

題竹逸小像

像在萬竿  
翠竹中

誰伴先生茗椀鱸羹書籤筆床記慈恩釋褐名宦三吳定

昆乘傳檄諭諸羌萬里辭官一身入畫軸却朝簪換菱裳  
翠樽外更陰陰空翠箇箇簫簫竹郎閒與評量論梁棟  
何須羨豫章任裁爲拄杖躡他嵩華劈成橫笛吹出伊涼  
根作龍拏節如劍拔誰許斑痕上苦篁聞言喜竹得風而  
笑滿院笙簧

曬書

憶昔吾家有萬卷樓城西毫村自江陵道盡牙籤半失咸  
陽焰熄玉軸猶存借去一緇亡來三篋墨花妖嬈赴海門  
無多剩似亂餘故舊賣後田園叢編暇日還捫與藥裹  
零星曝滿軒任半生穿穴碎同蠹餌有時發作陡若龍掀  
貧極須捻杜詩盡捻書籍賣來問爾東家老來怕讀閒對秋陽自較翻吾  
休矣亟束書高閣且曬吾禪

題徐二玉小像

貌君者誰尺幅經營天機渺漫縱偶然位置偏能高脫無  
多筆墨只取幽閒緩帶溪橋微吟山寺目送飛鴻自往還  
蕭疎祇任人情物態了不相關多君逋峭難攀只日向  
衡門賦考槃况霜紅露白秋冬之際杉黃柏赤山水之間  
竹杖逍遙芒鞋散誕古樹槎枒挂籜冠從君去好或窮巖  
岫或弄潺湲

懷程崑崙

山西武鄉人舊判鎮江陞任安慶同知今爲羅州守有文名

疇昔從公上松寥山觀北府兵正魚龍蒸黑魂魂海氣水  
雲淪白滾滾江聲采石乘潮皖桐移鎮異代龔黃比大名  
盧溝驛恰飛書寄我感念平生

庚戌夏津河署中接崑崙都門札

一麾

守孤城又重向咸陽道上行歎地名殺棚

羅州漢殺棚地

黃沙

飄杳天空盤屋紅樹縱橫落照窮邊壯年薄宦手板將迎  
歲月更驪山頂望并汾秋色一片鄉情

懷畢載稷

山東淄川人  
舊通州守

憶與公游在癸卯冬余方數奇恰單山萬疊奔濤駭浪後  
堂十夜急管繁絃頗怪推袁非由說項意外深慚國士知  
顛狂甚曾雪天腰鼓上星梁騎入春又賦將離悵別緒  
茫茫不自持正魂銷去國燕泥剛墜神傷餞客柳帶將垂  
記得微波送君淮浦倚棹偏於漂母祠臣老矣念王孫一  
飯欲報何時

甲寅十月余客梁谿初五夜剛半忽有聲從空來  
窅然長鳴乍揚復沉或曰此鬼聲也明日鄉人  
遠近續至則夜中盡然既知城中數十萬戶無

一家不然噓亦太異矣詞以紀之

黑楓青紙窗碎鳴其聲寥然似鬪饑血繡千般訴月芻  
蘇泄百種啼烟鴉嘯聒張猿吟淒異崩剝前和樹腹穿  
親會聽在他鄉獨夜老屋東偏 詰朝遠近喧傳徧簷霑  
啾啾却復前豈長平坑卒盡憑越覲東陽夜怪群會吳天  
滿縣彭生一城伯有鬼董搜神仔細編然疑久怕難探龜  
筮且問筵筭

呈伯成先生和仲震原韻

耕二頃田栽八百桑何時始諧只強弓硬弩消磨歲月素  
筭濁酒開拓胸懷白晝栖栖青袍鬱鬱世上何人管樂才  
狂歌發正半天松響大海潮迴 多公酷愛與臺笑昨日  
子思今復來且東籬載酒看殘黃菊西園把袂踏破蒼苔

萬事糾紛一身偏側舍此吾將安適哉吾休矣任齒同馬  
長耳似龍華

薛國符方伯招飲留宿國亭

秋色玲瓏夜火參差飛欄複廊更丹楓黃菊綴他簾幙紅  
欄黛閣映在池塘岳牧崇班溪山傲骨小築烟霞仿豫章  
環堂後走匡廬雪瀑彭蠡銀牕公習於江右歸酒酣萬感茫

說番舶曾經犯瘴鄉

時訪昔年粵東圖城事

正全家百口鵲啼珠島

孤城大海兇吼花洋亂後名成兵餘興爛又見蓬瀛好種  
桑揮杯勸任接天烽火穩臥滄浪

秋夜聽梁谿陳四丈彈琵琶

瑟瑟陰陰嗟哉此聲胡爲乎來似靈鼉夜吼狂崩斷岸角  
鷹秋起怒決荒臺忽漫沉吟陡焉掩抑細抵游絲綴落梅



氷絃內惹一宵涕淚萬種悲哀 十年前記追陪乍握手  
霜燈暗自猜歎朱門酒肉誰容卿傲梨園子弟總妬君才  
牢落闕河聊蕭身世進入空亭小忽雷顛狂甚罵人間食  
客大半驚駭

贈別龔佩紉

南郭先生門巷蕭疎庭除寂寥恰一灣蓼岸遠檣列萍數  
間竹屋夜雨鳴濤曾記當年浪游京國燕趙悲歌也自豪  
歸來後喜依然三徑仲蔚蓬蒿 乾坤群盜如毛歎萍梗  
吾生信所遭且風燈擘阮和之檀板烟帆醉菊侑以霜螯  
十日聯床一尊下榻白飯青芻累素交明將發怕空江疊  
浪萬籟悲號

留別韓聞西

昔客京華花月無愁文章有神記歌終慣竊念奴笛曲  
來曾吐丞相車茵俠骨嗟峨壯心騰上肯受藍田醉尉  
休羈絆笑本非殘客詎是窮貧百年幾度佳辰且乞取  
溪山自在身想後園鶯啼新發尙澁小橋梅事瘦玉將  
懸棧何爲脫鞵亦可歸趁風光弄早春難忘處只隔窗  
燈火雨月情親

題袁孝子重其負母看花圖

古貝沿街松檟叢閨葵榴映牆筭三牲五鼎貧家時缺  
千紅萬紫夏日方長衣着斑斕躬爲病僕負得萱闈出  
北堂  
藍與少笑相君之背輓勝匡牀  
笋籬藥塢徜徉惹白髮  
逢歡意轉傷記早年歌鵲花誰上  
鬢中宵刺鳳草盡縈腸  
人說兒賢天教孌健描畫還憑顧長康披圖美較看花上

苑事定誰強

贈徐竹虛

竹逸令弟  
家有我園

彼君子兮葉竹青青而中若虛是何家第五名齊驃騎蜀  
中揚子賦似相如疇昔賢兄演雲遠宦常羨優游下澤車  
今偕隱成往來二老西澗東舍我園景物蕭疎有雪檻  
烟廊水竹居筭磕頭促膝一群梅鶴望衡對宇幾箇樵漁  
與我周旋小園日涉近手花枝壓架書他家事笑平泉綠  
野久作寒墟

舟過楓橋見鄰舫女郎倚舷攬鏡同弟緯雲賦

節是花朝地是姑蘇天又新晴見參差畫鷁紅欄粉幔嬌  
婉飛燕翠袖銀箏衆裡一人悄焉自惜山匝圓水響一聲  
玲瓏甚爲綠窗浸水覩得分明酒潮漱灑初生便周旋

丹青寫不成正書眉橋畔幾錢年紀  
跌拉樽後掠髻心情  
百幅鵝黃半觴鶯脰碧浪東吳處處  
誰藏取又一輪春  
水纖笋斜擎

贈雲間何伯輝

工治目疾

有地行仙作大藥主我今見之自兩儀失曜光翻銀海百  
靈奮怒訣付金鏡日月爲璫陰陽作冶爭禮光明藏導師  
分明甚見月中躋兔世上醺鷄古今幾箇英奇戲邀取  
先生妙手醫是周時老輩盲餘左史秦庭烈士隳後漸離  
半黍空青幾莖仙瀝發覆開矇在此時吾還乞爲看花霧  
眼并仗君治

初夏同徐季重張邑翼來致一葉九來家朋乙汎  
舟郭外追晤葛龍仙於攸聞上人精藍兼送龍

仙之西村別業

半艇晴雲兩岸疎花渚禽喚風正坦迤江郭繞籬竹樹零  
星烟寺映水簾櫳棐几明窗禪床茶磨天許閒人片刻同  
僧厨綠是豆香乍摘笋嫩纔烘何須避世牆東有無數  
前游似夢中記當年漫興流連花鳥平生豪氣傲睨雲龍  
能幾何時一寒至此對坐相看鶴髮翁桃源路倘漁郎尋  
到莫遺雲封

溉堂先生客南昌幕府屈首經師已踰兩載甫歸  
廣陵詞以訊之

以磊落人而注蟲魚猶然譏之况鬚如鵲磔縮居幕下與  
同驥渴屈作經師車廐三間兔園半冊求我童蒙極角兒  
真奇事似販茶商婦出塞文姬墨磨眉鼻能爲乃夏楚

終朝手自持更灌嬰城下三年烽火彭郎山後一片旌旗  
月黑燈青樽空夢破想見書堂兀坐時歸來鬢惹小蠻忙  
問雪到如斯

題汪舍人蛟門少壯三好圖

圖作群姬挾筆琵琶曲擁書萬卷數鵝足

貯酒其旁圖上題詞甚多羽人則欲開閣禁釀  
于皇則欲焚硯燒書二說紛然余故作此詞

酒庫經堂正競筆琵琶聲沸然是秦川遺叟整襟而入杜  
陵野老裂眼而前或導荒淫或規放誕莊語詆辭盡可傳  
喧歷甚似輸攻墨守訟芋爭田不聞博奕猶賢但適興  
焉能便舍旃况漑堂集內頗言聲伎茶村暇日詎廢丹鉛  
卿論誠佳吾從所好亟喚蠻娘聞管絃牙籤畔漸玉簫風  
起吹動航船

酬贈黃交三卽次原韻并示尊公仙裳賢昆月舫

三四年來老情亡聊惟耽小詞任世皆嗤僕爲無益事人  
方目我是有情痴花月前身水天別館似夢年光暗裡飛  
菖蒲紙把心情淡寫偷寄崔徽君才十倍陳思怨愁病  
羈窮屬和遲况豪吟老吏聲情磊落在歌法護才調恢奇  
我渡京江重游隋苑惆悵閒行杜牧之當年事記萬家水  
榭紅袖齊垂

戲咏閨人踢毬子者

嬌困騰騰深院清清百無一爲向花冠尾畔剪他翠羽養  
娘篋底檢出朱提裹用綃輕製同毬轉簸盡牆陰一線兒  
盈盈態訝妙踰蹴鞠巧甚彈碁鞋幫只一些些况滑膩  
纖鬆不自持爲頻誇猥捷立依金井慣矜波俏擬怕花枝  
忽憶春郊回頭昨日扶上闌干剔髻絲垂楊外有兒郎此

使真惹人思

紙貴戲作

老至常閒惟籍鈔詞以永居諸買行波萬疊燃脂噴寫薛  
濤一篋映雪晨塗甲乙周秦捫揣辛柳卷比牛腰一樣粗  
掀髯笑任字嘲類疥墨晒同豬今年紙價如珠問洛下  
當年有是夫縱畫他灰燼還疑帝虎刻他竹粉莫辨之無  
已矣途窮幡然事濟昨種芭焦十萬株成陰後取花間全  
集作擘窠書

題徐禎起六十斑斕圖

老友者誰城北徐公舞衣斑斕有豆區一畝藤花半架晴  
山萬疊碧浪千灣隱不求名憂寧用老竹戶蓬門盡日關  
家庭樂喜顰眉矍鑠皓首團團相從樵父漁翁只戲鼓



詩樓恣往還。笑鼎鼎朱門幾人親。在番番黃髮誰便身。閑  
何似貧家蕭然。戲綵六十兒從膝下頑。佯蹉跌惹入旬堂  
上筦爾開顏。

贈宋御之

君果然耶。五十之年而僕如之。記王珣宅呼呼鷹盤馬。伍  
胥塘上賭檠圍棋。一水青山滿船紅燭。綰定垂楊萬縷絲。  
蘭亭會正客。逢雨後人到春時。如今舊事難追。被海水  
天風頻倒吹。將曹劉沈謝。捲同粉絮。或紫簾幙。或墜污泥。  
南國風流。東都耆舊。幾箇樽前某在斯。吾與汝。似春歸蝶  
舞。花盡鶯啼。

送友入山採茶

十里溪山竹粉纓。密蘭風藻川有蒙茸。蘿葛蔽虧。蟻月圓。

迤澗壑向背林泉夕渡遄歸晨漁緩出谷唱渾吟韻迢遞  
居此者是秦時毛女漢代琴仙 人家四月開園送君去  
剛逢穀雨天恰晴村綠巖數間僧竈清江翠簪一帶商船  
拍處盈盈焙餘冉冉歸臥迴廊瘦石邊松濤沸正龍岡乍  
碾蟹眼初煎

梁溪西郭外有芹野草堂吾宗新州公別業也公  
子某豪情斯在治習未忘乃以李氏之平泉用  
作井公之博進千金一擲園屬他人迄今已三  
易主矣公四世孫集生暇日扁舟經過此地臨  
風感舊惆悵絕多作詩紀事同人俱有和章余  
亦填詞一首

過西定橋有芹野園崢泓坦迤記花闌藥嶼島何澹澹烟

汀雨瀨水太羅羅樂去爽鳩愴深銅狄牧笛吹風夜起波  
憑高望悵舊家光景迥若山河 小樓一棹經過奈三度  
亭臺易主何縱王孫無恙東風認否主人重到燕子知麼  
笑說當年樗蒲一擲絕似名姬換馬馱君休恨鼓鼙春結  
綺博進誰多

泊舟胥江大風雨

胥門門邊暴雨奔渾盤澗撞春見後潮文種銀袍韞鞬前  
山鄧尉黛髻迷濛我豈茶商得非估舶詎少家園半畝宮  
因何事唱江樓囉嘖愁水愁風 須臾窈窕冲融又浪靜  
波恬漾遠空正潏龍歇舞天連島外渴鳥乍躍日在禺中  
了了層青迢迢一碧依舊殘汀野廟紅吾長笑笑向來作  
別多事天公

由丹陽至京口舟中放歌

月黑度亭風吼練湖雪山皚皚正楚天欲壓檣多於薺吳  
波乍染岸碧如苔對此倉茫居然遶落記否江東出鬪才  
斜陽恨惹行人憑弔商女悲哀 丹徒客昨帆開問劉寄  
奴今安在哉奈六朝剩壘沙淘浪洗千尋斷鎖雨餘烟埋  
下瀨艤艫橫江士馬重見連雲列戍排吾衰矣且沽京口  
酒上妙高臺

從盱眙山頂望泗州城

立而望之松耶栢耶其盱眙乎見半空樓閣林樾掩映從  
風城郭沙澗縈紆却顧泗州窪然在下呀者成丘水一盪  
中央者界幾條冷瀑一綫明珠 洪濤日夜歸墟有鐵鎖  
浮橋控舳艫看奔渾橋馬神功混叅轟厯賽鼓天籟蕭曄

十廟弓刀百年帶礪落日平田噪野鳥堪憑弔張歌風亭  
長泗上雄圖

月夜渡江

粉月一規雪浪千條何其皓然正稀微吳語佛狸城下參  
差楚火胡豆洲邊忽聽江樓誰吹橫笛今夜魚龍詎穩眠  
推蓬望見秣陵似夢瓜步成烟揚州更鼓遙傳記小杜  
曾遊是昔年奈邇來情事鬢絲禪榻當初况味綠竿紅絃  
萬古精靈六朝關塞都在噪磯牛渚前吾長嘯把一杯在  
手好箇江天

秋日登姑蘇玄妙觀彌羅閣

蕭蕭多陰蕭蕭以風危乎高哉見飛甍複榭虹蜺輾轉榜  
梁藻井龍鬼眈眈燈燭晶熒鐸鈴戛觸虎篆雷音百幅款

鐙劍佩是南陵朱鳥北極黃龍 玲瓏月殿雲階咒珠斗  
調編絕點埃正井公夜戲犀杵象博麻姑盡降繡帔瑤釵  
叱日呼烟囚蛟鎖魅五利文成未易才銀鸞背笑瞻餘窟  
裡金粟爭開

爲錢塘女史雪儀作并戲示雪持

鸞影疎燕吟卷鼓殘韻淨名經忽誰家偷遞香詞一篋人  
間那得壁月雙星頓惹詩顛重溫昔夢綺語瀾翻穢未能  
吳山下想歌飄檀板酒點銀瓶 龍堂已泮春水說小妹

天人嫁許曾

雪儀妹已許字龍舍人二爲

只捧心處姊鸞啼南國掃眉

才子蝶怨西陵綠萼爲媒紅綵作聘竚盼飛瓊入畫屏東

皇約要兩般艷雪玉戲前櫺

時雪持有待閣書卷之意故爲兩雪之語

咏硯爲李若士賦

若士時將入楚

誰向螭潭剝紫雲  
肝鐫白玉脂  
使曹王臺上  
咍他銅雀徐  
陵序裡輸却  
琉璃瘦比龍  
精嬌踰鵝眼  
蒸出韓文與  
杜詩  
淫而黑是媧  
皇煉膽羸政  
鞭遺  
醉磨盾鼻能  
爲還笑倩  
防身鳳味隨  
但每看劍動  
神先跳盞時  
聞笛起興更  
淋漓  
此去衡陽祝  
融峯上要寫  
懸崖百丈碑  
顛狂甚叱青  
猿代  
捧蘸墨親題

題崇川范廉夫松下小像

友人女  
受長公

松下誰耶玉貌臨  
風于憇于憇正  
濤翻翠鬣支  
離拘鐵霜  
凋黛甲剝裂  
侵苔韋偃蹇  
成畢宏畫就  
戰慄千霄未  
易才  
因何故却嗒焉若喪  
萬慮成灰  
琅山紫巖  
喧喧還記得  
君家往事來  
有四海賓朋  
極天甲第滿  
堂絳管夾水  
樓臺  
如此兒耶居  
然漂泊范叔  
寒今至此哉  
長安道且歎  
歎話

舊懷抱誰開

題王山長小像

已卯之秋余甫成童流觀簡編見諸省賢書楚材最妙於  
中杰作數子尤傳舊雨石霞金昆亦世先後同吟杖杜篇  
昭丘上只思君不見君在誰邊 相逢名已華顛筭燕市  
論交亦偶然嘆破硯枯琴此間孤冷豪絲脆管別屋天妍  
三尺生綃一泓冰雪貌爾蕭疎老鄭虔掀髯笑笑人間何  
限圖書凌烟

咏慈仁古松送陸盡思歸錢塘

種自何年金邪元邪穆乎高蒼恰崩濤亂瀉熊啼兕吼枯  
根直裂虎跛龍僵客有將歸我來樹下萬斛藤蘿漏夕陽  
摩挲歌笑樹猶如此時代蒼茫 青春正好還鄉只唱罷



陽關易斷腸記前月揮鞭將游梁苑今朝分袂竟返錢塘  
世事何堪人生難料柿葉翻時又悼亡歸休恨有一湖晴  
深西子新粧

迦陵詞全集卷二十六

宜興陳維崧其年著

選

弟

維岳緯雲

恭閱

宗石子萬

男履端

校

姪賜薛

丹鳳吟

送別友人和雲臣韻

細數頻年游處舞榭鶯梳歌筵燕掠  
墊巾側帽雙倚東風  
院落簾紋新染水烟小定更憶溪邊  
畫橈斜閣似夢如塵  
情緒事去凝思花影還鑣牆角  
今夜陽關怕唱玉樽潑  
灑持旌却若到無諸國有連天嘶馬  
匝樹飛鵲輕紅荔子

籠偏戈船綃幕我在江南殘照裡只行踪樂託武夷回首  
倘依然念着

輪臺子

采菱

別浦蓮歌乍歇又棹入菱潭深窅西風亂水瀾瀾斜日遠  
帆了了小娃蘭槳齊開鬪雲英一色裙波裊纔低珠腕又  
弱蔓柔莖將人繞何愁角刺藤兜把千頃水烟暗昏美  
清芬較菰米荷房一般幽悄語折菱隣船再來須早怕明  
日寒塘剩白蘋紅蓼榴聲幽驚飛渚鳥笑盈盈併摘花歸  
可許粧臺照

八歸

二月十一夜風月甚佳過水繪園聽諸郎絃管燈

下因遣家信、淒然不成一字賦此以寄閨人

彈得絃清飄來箇曉曲室諸郎歌管他鄉風月佳無比只  
是中年以後心情頓嬾遙憶故園桂閣上鎮玉臂雲鬟  
斷傷心處何事尊前聽一聲河滿却是絳河欲沒珠繩  
乍轉畫角譙樓哀怨舊事如塵新愁似夢可惜一場分散  
奈天涯滋味瞞不過南歸魚鴈吮霜毫纔提還倦莫慮春  
寒羅襟紅淚煖

秋夜婦病吳門遂不成行賦此寫懷

藥烟裊罷爐灰盡盡城上戍火半滅去年記入西風候曾  
也瘦人如菊秋衾勝鐵差喜而今身較健奈婦病吟聲酸  
切惹一派繞砌啼螢怨苦替人說 准擬楓林蟹舍霜蓬  
霧鶴去弄烟波寥泯秋當濃處月將圓夜擁權沉吟旋輟

算不如春裡雨雨風風過時節偏逢着五湖霽景萬斛晴  
光洞庭秋噴雪

春夜偶成

城陰水際閒尋往事光景零亂難寫畫眉橋北沿牆去曾  
有迷藏伴侶簫錢亭榭生小誰收鉛共粉說不盡衣裳淡  
雅碧檻外蠻柳絲絲甸線恍如畫今日延秋坊昨令狐  
宅裡依舊好花開也杏梁燕子玉籠鸚鵡尙說十年前話  
水晶箱子在遮莫還存聖檀怕東風起櫻桃細落糝上當  
初軟紅粉架

杜家廟距濟南四十五里有旅館頗幽靚砌下玉  
簪一發尤楚楚可念徙倚久之詞以寫懷

鞭絲小弄征塵輕浥雲水一片寥廓涼橋卸馱耶停憇過

送明湖酌宴爽氣森薄小閣矮窗新粉壁更繞砌疎枝兩  
尊背立處暗省花名瑣事頗索著惆悵臨行那夜低鬟  
偏髻惜別心情如昨側門迴盼倚闌人在扶定腰身纖弱  
笑萍踪一霎峽雨湘烟楚天各思量煞釵消脈枕畔殘  
釵三更和笑落

賀新郎

雲郎合卺爲賦此詞

小酌醺醺喜今朝釵光簾影燈前晃漾隔着屏風嗤笑  
語報道雀翹初上又悄把檀奴偷相撲朔雌雄渾不辨但  
臨風私取春弓量送爾去揭鴛帳六年孤館相依傍最  
難忘紅鞋枕畔淚花輕颺了爾一生花燭事宛轉婦隨夫  
唱弩力微藥砧模樣只我羅衾渾似鐵擁枕生難得紗窗

亮休爲我再惆悵

賀阮亭三十

牛馬江東走陪滿座鄒枚上客爲君稱壽七葉貂蟬連鳳  
閣坐擁銀筵翠袖又兄弟才雄八斗三十王郎年正少恰  
黃金鑄印雙懸肘此意氣古無有淡黃十里隋堤柳更  
多少竹西歌吹樊川詩酒滿目關山原不惡只是繁華非  
舊筭惟有文章不朽敔敔珠簾人不捲看使君燈火春城  
口依稀羨歐陽守

瓜步與姜子翥

佛狸祠下別看此處江花如練江烟似織憶昔結交堅戴  
笠江左周郎英發正爛醉金釵之側宋玉右計倪草俱大  
俠更潁川年少風流客仰天嘯冠纓絕十年往事同陳

蹟恰傳聞洛陽金盡樣陽獄急一旦二桃疑盡釋廣都市  
中人出又買得如花小妾送客驚心千萬里但銷魂此際  
真愁絕吾自有蒯通舌

甲辰廣陵中秋小飲孫豹人漑堂歸歌示阮亭

把酒狂歌起正天上琉璃萬頃月華如水下有長江流不  
盡多少殘山剩壘誰說道英雄竟死一聽秦箏人已醉恨  
月明恰照吾衰矣城樓點打不止當年此夜吳趨裡有  
無數紅牙金縷明眸皓齒笑作鎮西鸛鵒舞眠底何知程  
李詎今日一寒至此明月無情歸去且五湖歸伴魚竿  
耳知我者阮亭子

月夜看梅花

皓魄光微淥喜東風瓊枝璧月清輝聚  
澹顧影娉婷無一



語吳女纖腰初束斜倚在珠闌曲曲看到夜深風露冷浸  
簷前一片團圓玉吾醉矣共花宿愁腸被酒還相觸且  
狂歌莫言興盡再斟醺醺忽憶開元當日事中有梅妃  
綠何必美玉奴新浴可惜樓東三十樹雨霖鈴都做連昌  
竹花應歎睡難足

乙巳端午寄友用劉潛夫韻

醉凭闌干吐倚清狂橫陳冰簾後堂無暑聞說吳兒工作  
劇弔屈龍舟似虎我欲唱公乎無渡累自沉湘卿底急枉  
教人搥碎迴颿鼓楚江畔葦花舞陡然魂磊多如許喚  
靈均前來共語醉君椒醑呵壁荒唐何必問死累人間角  
黍尚不及伍胥憐怒忽發狂言驚滿座料諸公知我心中  
苦酒醒後重懷古

爲冒君苗催粧

暹日嬌鶯囀。簸輕風。半攪芳藥。參差人面。珠絡流蘇。壓  
角十里龍綃微捲。料好夢一春曾選。節近萸蒲。喧笑語。借  
五絲先做同心纏。書梁上乳雙燕。笙歌沸處。蓮籌轉。剪  
銀燈。紅酥檀暈。暗窺韓椽。小弟陸家工贈婦。春翊花箋。臨  
徧。何況是丹青能擬。百種烟瘴俱易書。送山鴈。第一須慙  
得。看小試君苗硯。

作家書竟題范龍仙書齋壁上蘆鴈圖

漏悄裁書罷。繞廊行。偶然瞥見。壁間古畫。一孤蘆花江岸。  
上白鴈濛濛欲下。有立且飛。而鳴者。萬里重關。歸夢杳。拍  
寒汀。絮盡傷心話。捱不了。淒涼夜。城頭戍鼓剛三打。正  
四壁人聲都靜。月華如瀉。再向丹青移燭。認水墨陰陰入

化恍瞭歷枕稜牕罅曾在孤舟達此景便畫圖相對心猶  
怕君莫向高齋掛

丁未五日程崑崙別駕招同談長益何雍南石崖  
程千一金山看競渡

一鼓魚龍急看滔滔妙高臺下乾坤噓吸彷彿雲旗和翠  
蓋貝闕鱗堂齊葺村此際百靈都集十萬黃頭皆突竄挽  
湘纍今夜誰先及有人在江潭泣吳兒拖尾飄紅裙但  
迴颿水雲颿處翻身徑入不闔黃金惟闕提江水駭時欲  
立惹商婦銀箏聲漉一雲悲歡纔過眼漸日斜桂楫紛收  
拾山如睡黛還濕

賀程崑崙生日并送其之任皖城

五月十日

榴子紅如綉正綺席吳鹽下豉金盤雪藕七載南徐揮羽

扇肘後黃金似斗北固外晴江夜走留取臂間長命纒  
節過五日剛踰九重爲我先生壽 遷官况在懸弧後看  
他日郡庭一望匡廬湓口今古量才惟一石公也文章不  
朽詎更歎一麾出守還擬樅陽城下過獻新詞再進當筵  
酒公倘許狂生否

秋夜呈芝麓先生

擲帽悲歌發正倚幌孤秋獨眺鳳城雙闕一片玉河橋下  
水宛轉玲瓏如雪其上有秦時明月我在京華淪落久恨  
吳鹽只點愁人髮家何在在天末 憑高對景心俱折關  
情處燕昭樂毅一時人物白鴈橫天如箭叫叫盡古今豪  
傑都只被江山磨滅明到無終山下去拓弓弦渴飲黃塵  
血長楊賦竟何益

俊鵲無聲攫美一代詞場老手舍公安託歌到陽關剛再  
疊月裡斜飛兔脚簾以外秋星作作我得公詞行且讀任  
侏儒飽飯嘲臣朔大笑絕冠纓索中朝司馬麒麟閣籌  
邊暇南樓愛挽書生酬酢半世顛狂誰念我多少五陵輕  
薄我有淚只爲公落後夜月明知更好問陸郎舞態應如  
昨肯爲奏軍中樂

送邵蘭雪歸吳門仍用前韻

易水嚴裝發休回首故人別酒帝城高闕九曲黃河迎馬  
首森森龍宮堆雪流不盡天涯白月君去故侯瓜可種向  
西風莫短衝袍髮人世事總毫末長洲鹿走蘇臺折歎  
年少當歌不醉此非俊物試到吳東門下問可有吹簫人  
俠有亦被愁潮磨滅來夜天街無酒伴怕離鴻叫得楓成

血亦歸耳住何益

題沙介臣詞并柬周翼微郁東堂二子仍用前韻  
健筆森拏攫自古道才人無命英雄有託黃歇墳前軍鼓  
動萬弩攢平陣脚從此後哀鴻競作索米長安非失策看  
掀髯意氣雄河朔荆高輩未蕭索鶯花麗句傳三閣更  
旅舍同時二妙和歌相酢硬箭軟裘推勁敵爽氣毫端噴  
薄乍出手雙雕都落我去諸公應憶我記風前紅燭燒如  
昨息壤在速行樂

秋夜飲錢官聲寓中示譚舟石周子俶李西淵章  
素文仍用前韻

故態任奴發君莫學車中新婦口中石闕同是天涯流落  
者休使滿頭霜雪且斜抱琵琶彎月聽到鈿蟬悽厲處更

突如鐵騎織如髮秋聲起在林末  
三更銀甲都彈折不  
須問千年宮殿幾番人物記得館娃人似玉喚作平康之  
傑曾遇在蘭膏將滅萬事古來誰最苦只青衫淚與榴裙  
血鷄未醒酒須益

特偶及吳門王姬  
婚時已落籍矣

秋日行西苑仍用前韻

太液秋鯨攪紅蓼底龍舟鳳舸沿流依託記得橫汾雄漢  
武月夜波心殿腳又玉管金簫間作十二雲房都已閉只  
將軍繚犬誇平朔何處覓鞦韆索  
行人斜過梳粧閣入  
耳有菱歌鴈陣泠泠酬酢自惜書生難得見天上桂叢蘭  
薄單一派秋荷零落且拉市前騶卒飲對西風莫歎今非  
昨依稀奏還宮樂

是日聖駕從  
南苑還宮

秋夜對月示弟緯雲仍用前韻

皮鼓城樓發問客裡水輪炤我幾番圓闕一片銀河天外  
落光映千門如雪總則是漢宮明月試上麒麟枯冢望問  
誰人紅粉誰黃髮風乍吼青蘋末應侯有賜憑他折但  
歌罷仰天裂眼識卿何物窮矣男兒方失路覆壁誰藏英  
傑擠潦倒身名灰滅細聽秋林都颯颯只沙塲斷鏃陰燐  
血良太苦竟何益

題郁東堂詞仍用前韻

龍爪槐張攫馳突處宛駟蹴鐵死生堪託我把金荃詞一  
卷字字寫成釵腳是吾友東堂之作讀罷悲風生肘腋美  
君才不減王寧朔相憐也總蕭索茂陵一病成擔閣歡  
客裡無多暇日我歌君醉醉擘銀箏彈一曲彈到秋雲都  
薄只是訴兩人淪落泣下羞爲兒女態問吾生舌在還如



昨休作苦且行樂

席上呈芝麓先生

打鼓船將發，看水面怒濤。似屋巨魚如闕，一路推蓬吹笛。  
去無數，葦花搖雪，忘不了朱門皓月。萬里沙昏，聞鴈叫料。  
孤眠白盡，離人髮回首，望謝家末。時緯雲尚留都下西風衰柳，  
題堪折，喜筵上紅牙銀燭。他無長物，話到英雄方矢志。老  
鶴飛來，傑傑又一半疎星明滅。歸去焚書，應學劍愛風毛。  
雨遍千山，血益智粽，竟何益。

將之中州留別芝麓先生

匹馬衝寒發，看滿目殘山。剩水輾輾，伊闕我到，關河驚歲。  
暮却值梁園飛雪，不須怨汴京烟月。歌罷添衣，仍命酒只。  
今宵離恨多於髮。男兒事有本末，珊瑚十丈，憑敲折戟。

世上非公知我幾成怪物此外半生誰鮑子負此真非夢  
僕最感是留髡燭滅後夜相思劍雀下想漳河水染啼痕  
血今不醉後何益

歌炭簾衣撓華絳散此身飲罷茫茫安託我有小秦王一  
曲臥到城頭牆腳今日事何人所作漫對西風增感慨且  
臂鷹驪馬游河朔功名志總蕭索橫刀難上凌州閣吾  
且與老兵健卒悲歌酣醉曾記睢陽添賊火萬弩圍城肉  
薄烽一點陸渾山落轉眼平臺風物好喜笙歌宛雜人猶  
昨不思蜀此間樂

贈程穆倩

時年六十

痛飲蕪城夜喜春秋甫當六十詞場雄霸駢趺短歌歌自  
壽幻作蟲言變化是慢戲滑稽之亞

穆倩自壽作木蘭花慢四首中皆爲虫言

蟲達封侯何必問  
喚蟲蟲小語飄檀麝  
君擊缶吾行炙  
四筵安坐爭相詫  
筭絕藝非花蠶尾  
古來無價率率老夫  
兒子五索笑挽鬚  
燈下論此樂勝於  
僕射有酒且沽甌  
塊任無錢也向壚  
頭貰休辭醉先生  
詐

徐竹逸招同幾士兄閣上看梅

一樹都如雪君不見  
尊前有客歌聲辛  
切醉倚花魂花欲  
語花似笑人愁絕  
我一語亦爲花說  
人既多愁人已瘦  
問花何瘦亦隨人  
折相看處酒休竭  
臨風細取花重闌  
羨物外孤高簡傲  
花中豪傑恒怪世  
人輕比並浪道檀  
腮粉頰渾不稱此  
花風骨我欲擬之  
銀作鎧趁月明浴  
盡三軍鐵神還似  
史遷潔

爲徐晉遺催粧

時十二月初  
八夜大雪

雙結同心結喜今夜新人二九殘年臘八幾隊紗籠徐引  
導光漾黃金曉脫何兒是玉人如月小捉養娘簾底問問  
徐公城北人爭說燈下君果英發天公更自風流絕響  
瓊籤且煩青女細飄珂雪爲驗謝娘才調好故把吳鹽輕  
撒不須慮銅輿街滑我識李慕吹笛手但今宵鳳竹休頻  
摩枕函上印紅頰

都門洗象詞同緯雲弟賦

百戲魚龍聚畫陰陰雲房水洞帝城無暑日晴波心漲水  
幄列坐徹侯公主其外有傾城士女少頃蠻奴乘象至整  
鞭梢踏入金塘去喧騰甚爾何怒鼻殷捲盡西山雨看  
水面濤飛海立銀傾雪注猶記昆明傳象戰祚馬焚僮貊  
厄今歲太平寰宇浴罷舍元宣立仗瑩赭袍一朵紅雪

吐率百獸御階舞

見南苑阱熊而歎之同吳天石賦

南苑花如綉見一帶長楊虎圈咆哮百獸此物儼然餘猛  
氣攀檻時時欲吼像鎮騎金戈馳驟可惜當熊人去杳  
宮槐冷落黃金毳誰侍奉金門帶 爛羊都尉通侯狗但  
驍雄偏嗟失勢所遭不偶猶記深山騰蹕日獅子獨見爲  
友追險怪曾踰宇宙此日草間狐兔盡束身歸五柞同猿  
伏蹕已落宰夫手

季滄葦侍御廣陵納姬爲賦花燭詞

螺子眉峯滴遙想像文窗冉冉鬢髮的的誰遣朝天青雀  
舫小泊烟江水驛夾岸有銅車畫戟日至尙遲添一線恰  
宵長更照團圓月時仲冬十五夜月影底人兒出 仙郎

况是文章伯人都羨金閨華  
彥玉清仙籍盡道臺霜行  
映雨先把鷄鵲冠摘纔卸到紅巾  
羅歷今夜當關須記取對  
府中鳥與隣鷄說休相攪恣憐惜

汝州月夜被酒感懷董二

今夜清輝苦真醉矣人生有幾關  
山如許極目滄天輝一碧回首家鄉  
何處總則是年年羈旅脫帽凭闌何  
限恨倚風前細把寒更數誰更打嚴  
城鼓無端忽憶疎狂侶會記得烏衣  
巷口別來如雨明月也知千里共照  
盡秦樓楚戍應漸到故人黃土只恐  
白楊和月冷比人間更有銷魂處  
汝河水白如乳

登龍池絕頂憑虛閣同雲臣遠公賦

極目真空濶倚巉巖層巒競瘦老  
松都恬頗洞荒寒非世

竟皆曉陰陽盪割更古木冷烟輕轉虎跡龍歇經過了一  
枝筇幾被罡風奪纔到得亂峯末 峯巔小閣危樵殺嵌  
嵌嵌呀然如竇拳然如鉢只怕石欄憑不穩敗葉欲隨秋  
脫况恰對崖門初豁我愛湖光能入望約他年再與攀蘿  
萼看夜半陽烏渴

蘧庵先生五日有魚酒之饋醉後填詞

蒲酒濃如乳更爲我東溟斫鱸大魚就脯機酒石榴花下  
醉還選腹腴親煮耳熱也休提今古只有寒潮固故國歎  
龍舟寂寞無尋處風乍起瘦鼓舞 何須遠望悲荆楚暗  
想像廣陵舊事濕多於雨火照佛狸城下水丞相孤軍難  
渡記時節也隣重五兒女誰知英雄恨辟兵符戲向釵頭  
賭葵影綠小窗午

竹逸屢苦足疾詞以訊之

足亦爲頭責問先生經年何事蹢躅引疾有足徑須行萬  
里須踏龍堆馬邑更須伴錦靴紅屐却怪兀如習鑿齒恐  
美人蹙者交相厄中有鬼苦無力客爲代語君姑默看  
人世太行劍閣縱橫几席尻馬神與吾自有底事度阡越  
陌足雖憊猶全吾膝言罷先生徐捫足且支筇虛室初生  
白剛一笑宿病失

食李戲作

咄汝前來此問爾福人人都道猶龍李耳一白瑤星淪謫  
後恰值楊花盡矣又幻出李唐家世縱劣猶能交貴介伴  
浮瓜游戲西園邸楊家果詎君比如今慣代桃僵死客  
經過其冠不正視同苦李一入公門身更辱鑽核羞他名



士但說着王戎冷齒只有井邊堪避世與驛驢飲啄稱知已還愁過於陵子

贈善奕者蘇生

入市乘羊暇乍歸向百花庭院春衣暗卸小與手談殘紅  
徑秋水滿睂微瀉日影碎劇棋難罷爭賭宣城真太守問  
何人中正如卿者秋善奕爾其亞局中有劫憑君打莫  
沉吟樵夫柯爛瑤池花謝聞道外邊風漸競一子甚時繼  
下休閒煞春前陣馬天帝井公方對博又從來似奕長安  
也都付與楸枰話

贈蘇崑生

蘇固始人南曲爲當今第一曾與說書  
叟拂敬亭同客左寧南幕下梅村先生

爲賦楚

兩生行

吳苑春如繡笑野老花顛酒惱百無不有淪落半生知已

少除却吹簫屠狗筭此外誰歎吾友忽聽一聲何滿子也  
非關雨濕青衫透是鵝血凝羅袖 武昌萬疊戈船吼記  
當日征帆一片亂遮樊口隱隱柁樓歌吹響月下六軍搔  
首正烏鵲南飛時候今日華清風景換剩淒涼鶴髮開元  
叟我亦是中年後

弓冶弟萬里省親三年旋里於其歸也悲喜交集  
詞以贈之并懷衛玉叔暨漢槎吳子用贈蘇崑  
生原韻

休把平原繡繡則綉吾家難弟古今稀有萬里尋親踰鴨  
綠險甚黃牛白狗一路上夔蛟作友辛苦瘦兒携弱肉向  
海天盡處孤踪透三年內無乾袖 平沙列幕悲風吼獵  
火照依稀認是雲中生口馬上迴身爭擁抱此刻傍人白

首辨不出窮邊節候猶記離鄉年尙少牧羝羊北海雙雙  
叟長夜哭陰山後

惠山遇冒爰及穀梁酒間感事并示楊枝

細雨青山麓野塘邊故人忽卸布帆一幅失喜推篷還笑  
劇難得他鄉骨肉問那處酒旗斜矗我有新年離鴻恨縹  
烟航且與澆醺醺知來日何方宿樽前況有人如玉再  
休提千場錦瑟萬堆紅燭淪落舊人誰尙在只剩何歡情  
熟船倚在黃蘆苦竹落照重逢詢伴侶也未將言應願先  
感長洲水年年綠

中秋伏枕承蓮翁先生有月餅果物之惠病起賦  
謝

今夜清輝漾想月殿菱花出匣一輪初上萬戶千門連碧

海處處鈎簾倚幌只少我一人凝望多謝東鄰遺糗收恰  
分明掬取團圓樣開籠看神差旺 紛然佳果還相覲搯  
病眼荔奴黃皺哀梨碧漲忽憶添丁千里外阻隔丹崖綠  
嶂恨此物無緣分餉若使姮娥知我意也璇閨掩却垂綃  
帳應爲我色惆悵

暮秋臥病澄江客舍承劉震修沛元素其天賀天  
士椒峯弟諸君枉顧因感亡友鄒程村董文友  
漫感一首并示梅園主人韓爾鉉

一病驚秋暮黯澹煞五更青鬢萬山紅樹煎藥真長高誼  
在結駟連鑣相顧僕僊矣諸君無苦縱僊此心猶炯炯試  
扶吾一上秋城去沙鴈落細如雨 韓園舊日曾歌舞有  
多少縷金褰子酒和墨汚那數三千珠履客高會春申極

浦當日事何人記取黔董文友願鄭程村今不見只十圍  
梅似青銅古花尙好人非故

冬夜不寐寫懷用稼軒同父倡和韻

已矣何須說笑樂安彥昇兒子寒天衣葛百結千絲穿已  
破磨盡炎風臘雪看種種是余之髮半世琵琶知者少枉  
教人斜抱胸前月羞再挾王門瑟黃皮袴褶軍裝別出  
蕭關邊笳夜起黃雲四合直向李陵臺畔望多少如霜戰  
骨隴頭水助人愁絕此意儼豪那易遂學龍吟屈煞床頭  
鐵風正吼燭花裂

積雨乍晴竹逸買舟拉雲臣暨余郭外春游訪萬  
子紅友不過因過石亭探古梅并坐古香庵小

憩

與箇船兒去傍城河柳絲蘸碧漸拖官渡閒訪故人人已  
出門鎖小橋烟浦空佇立悵然誰與人說前村梅更好月  
朧明綠萼栖毛女趁波煥響春櫓 僧樓小憇評今古喜  
檻外亂山絕澗暗香無數寒食一杯須作達莫惹春愁萬  
縷看滿眼紙錢飛處除却吾曹二三子只此情堪共花枝  
語花不應灑紅雨

次日紅友復折柬招游石亭陰雨又作詞以謝之  
仍用前韻

并日邀遊去正郭外風絲颭袖水烟籠渡兩月春霖愁似  
海漲了綠波南浦剛一霎晴溪容與茶庵竹籬帆影過粉  
墻頭暗立誰家女沙鳥嬾觸柔櫓 難忘最是亭梅古記  
昨到凭闌拋盞落英閒數帶暝過峯嬌欲睡香在衫痕鬢

縷春漸到最銷魂處來日縱無知己約也重游擬續花間語無奈是廉纖雨

伯成先生席上贈韓脩齡韓脩齡中人聖秋舍人小阮流辰東吳善說平話

月上梨花午恰重逢江潭舊識喁喁爾汝絳燭兩行渾不夜添上三通畫鼓說不盡殘唐西楚話到英雄兒女恨綠牙屏驚醒紅鸚鵡雕籠內泪如雨一般懷抱君尤苦家本在扶風盤屋五陵佳處漢闕唐陵回首望渭水無情東去剩短鵲聲聲訴與繡嶺官前花似血正秦川公子迷歸路重酌酒盡君語

宗石校刊先伯兄詞集將竣忽于東篋中檢得賀新聲一闕乃作家書後題范龍仙書齋壁上蓋屬園詞急讀之與刊本題同詞同韻同起落同中多異亦先兄自書者王西樵先生所評隲因并錄楮尾剪燭裁書罷繞廊行偶然瞥見壁間小畫一孤雛鴻千萬點掩映漁村蟹舍有飛且鳴而悲者回首蕭關驚夢影儘商量說盡思

鄉話捱不了幾夜  
春城又曉  
紅雨漲如鉛  
薄曉連歡聲未絕  
上如在蘆花之下  
我亦是潯陽司馬  
曾記蓬窗蓬落  
扁便  
畫圖此景看還怕  
君莫向高齋掛



迎陵詞全集卷二十六終